

Churchill

Text und Musik:
Jacob Stickerberger

Dm C B A
 Lie-bi Schüe-ler syt nid tru-rig wenn dir schläch-ti No-te heit dir heit mys
 6 Dm C B A D Hm
 Mit-gfüel i bi ei-ne wo euch ab-so-lut ver - steit dir chöit stolz so denn dir wüs-set scho be-
 12 Em A7 Fism Hm E7 A7
 reits i jun-ge Jah-re wie me Kry-se cha be - zwin-ge wie men ü-ber-läbt i Gfah-re al-li
 18 D Fis7 Hm Gm D Hm
 Strä-ber wo geng Säch-si hei die wy-sen i druf hi ou dr Chur-chill isch e
 24 Em A7 D7 Gm D Hm E7 A7 D
 schläch-te Schüe-ler gsi ou dr Chur-chill isch e schläch-te Schüe-ler gsi

Churchill

oder

Rächtfertigung

September 2001

1. Liebi Schüeler syt nid truurig
wenn dir schlächti Note heit
dir heit mys
Mitgfüel i bi eine
wo euch absolut versteit
dir chöit stolz si denn dir wüset
scho bereits i junge Jahre
wie me Kryse cha bezwinge
wie men überläbt i Gfahre
alli Sträber wo geng Sächsi hei
die wysen i druf hi -

ou dr Churchill isch e
schlächte Schüeler gsi
(letzte zwei Zeilen wiederholen)
2. Muesch nid achte druf wen d'Lehrer
säge: Bueb du tuesch mer leid
us dir wird
später nüt Rächts wärde
ha dirs immer wider gseit -
ja so si si äbe d'Lehrer
si wie einfach nid kapiere
das du ganz e bsundre Bueb bisch
s'cha dir würklech nüt passiere
bi Genies hets immer gheisse
wie i üsem Bispil hie:

öppis Rächts gits us em
junge Churchill nie
3. Und dir arme Sportverruchte
wo verzwyflet am'ne Grät
mit eune
schmärzverzerrte Gsichter
meinet das es nütze tät
wenn dir eui morsche Glider
imne Fitnessclub tüet plage
das vermydi bösi Gsüchti
ewig jung i alteTage -
chöit das alles glatt vergässe
dänket a di weise Wort

Churchills Motto das het
gheisse: ja ke Sport
4. Eini rouche i dr Beiz
das ghört zum volle Läbesgnuss
doch das isch
nadisnah nüm müglech
me dörft höchschens no voruss
geng faht öpper afa hüeschtle
geng fluecht öpper gopfvergässe
geng findt öpper me mües lüfte
geng isch öpper no am ässe
i hingäge paffe wyter
wyse jederma druf hi

ou dr Churchill isch
e starche Roucher gsi
5. S'isch so gäbig we me zur
Erchlärig immer säge cha

alli myni Fähler
het dr Churchill gha